



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

II. Der Markgraf Otto schenkt der Kirche in Zehdenick eine jährliche Getreide-Rente im Krüge Düratz, am 26. November 1265.

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

## II.

## Stadt und Kloster Zehdenick.

- I. Die Markgrafen Johann und Otto vereignen dem Kloster Zehdenick zwei Hufen Landes im Dorf Schwanebeck, am 8. April 1257.

In nomine Sancte et Individue Trinitatis. Johannes et Otto, dei gratia Brandenburgenses marchiones, Omnibus in perpetuum. Ut quod rite agitur, iuste ad posteros referatur, Universis Cristi fidelibus tam presentibus quam futuris volumus notum esse, quod nos duorum mansorum in villa Swanebeke sitorum, quos fidelis noster Albero, curie nostre marscalcus, monasterio ancillarum Cristi de Cedenic pro anime sue remedio contulit et salute, eidem monasterio contulimus proprietatem perpetuo proprietatis titulo possidendam. Sperantes etiam ut cum eiusdem fidelis nostri donatio sine nostro consensu posset in irritum revocari, a domino, qui est omnium piorum operum fidelissimus retributor, et gratiam consequi et favorem. Et ut hujus nostre proprietatis donatio firma ipsi monasterio in perpetuum maneat et inconvulsa, presentem paginam conscribi fecimus et Sigillorum nostrorum munimine roborari. Adhibitis testibus ydoneis, quorum nomina sunt hec: frater hermannus, Lector fratrum minorum de Berlin, Henricus, prepositus de Saltwedele, Gerardus de Kirkowe et alii quam plures. Datum Zpandowe, anno domini MCCLVII, In die sancto pasche.

Nach dem Original im Stiftsarchive zu Zehdenick.

- II. Der Markgraf Otto schenkt der Kirche in Zehdenick eine jährliche Getreide-Rente im Krüge Dürag, am 26. November 1265.

In nomine domini Amen. Nos Otto, dei gratia Brandenburgensis marchio, recognoscimus et presentibus nostris litteris publice protestamur, quod cum consensu filiorum nostrorum ecclesie in Zedenick unius chori avene proprietatem in taberna ville Doratz contulimus perpetuo possidendam. Et ut nostra donatio futuris temporibus inviolabiliter perseveret, presentes nostras literas in evidens testimonium et robur validum conscribi iussimus et sigilli nostri et filii nostri



senioris, aliis nostris filiis sigilla non habentibus, munimine iussimus roborari. Testes hujus sunt: Arnoldus de Bredowe, Henricus de Grobene, Theodericus de Bornen, Theodericus de Nemech, noster advocatus in Spandowe, Albertus de Grobe, Henricus de Thene et alii quam plures. Actum anno domini M<sup>o</sup>. CC<sup>o</sup>. LXV<sup>o</sup>. VI kalend. Decembris, indictione VIII.

Nach dem Original im Brandenburger Domarchiv aus Hesters Abschrift.

III. Die Markgrafen Otto und Konrad bestätigen dem Kloster Zehdenick ein Vermächtniß von 4 Wispel jährlicher Kornhebung aus den dortigen Mühlen, am 1. Dezember 1281.

In nomine sancte et indiuidue trinitatis amen. Otto et Conradus, dei gratia brandenburgenses marchiones, vniuersis cristi fidelibus, ad quos presens scriptum deuenit, salutem in eo, qui est omnium perpetua uera salus. Quum ea, que pie geruntur in tempore et maxime pro conquirendo merito eternali, ne a memoriis elabantur hominum, expedit descriptione telium et scriptis principum perhennari, ne mater erroris ingrata surrepat obliuio, quatinus futurorum noticie transmittantur; Notum esse cupimus tam futuris quam presentibus cristi fidelibus, quod dum miles fidelis noster, heinricus, dictus glucer agnomine, diuina tactus gratia, bene adhuc sanus, pro testamento suo salubriter premeditari disponderet, deo dicatis virginibus sanctimonialibus cenobii Cedlicensis quatuor choros siliginis, quos a nobis tenens accepit de molendino ciuitatis eiusdem Cedlicensis annis singulis, dedit, maturo nostro consensu diuine pietatis intuitu ac ipsius militis seruicii accedente. Ut ergo retribucio nobis ac nostris fieret heredibus hujus donationis copiosior, ipsorum quatuor chororum proprietatem addidimus eidem virginibus presati Cedlicensis cenobii perpetualiter possidendam. Hujus rei testes sunt milites nostri Thethardus de Woztrowe, Iudekinus de Bekedorpe, Johannes de Nowen, dapifer, frater Theodericus conuersus peccator curie vitumanstorpensis, et alii fide digni. Ne uero tam rationabilis predicti h. militis nostri ac nostra donatio possit in posterum a successorum nostrorum aliquo irritari, scriptum presens fieri iussimus et cenobio supradicto tradidimus, ad cautele majoris euidentiam sigillorum nostrorum munimine roboratum. Actum vitumanstorpae, anno domini M<sup>o</sup> CC<sup>o</sup> LXXXI<sup>o</sup>, in capite Kalendarum Decembris.

Datum per manum domini Meinardi, nostre curie cappellani.

Nach dem Original im Besitze des Stiffts.

IV. Ablassbrief des Erzbischofs Erich von Magdeburg für alle Gläubigen, welche die Klosterkirche zu Zehdenick besuchen und ihr Wohlthaten erweisen, vom Jahre 1287.

Ericus, Dei gratia Sancte Magdeburgensis ecclesie Archiepiscopus, dilectis in christo preposito et Abbatille totique conuentui Sanctimonialium Ordinis Cisterciensis in Cedenick